



瀑音 卷之二

瀑布歌

晉東苗



癸未京師留八月同人一半來吳越聞道新安
 與石壕新婚垂老無家別征夫前路指予歸我
 里來看瀑布飛天下之平繫廷尉欲向東山入
 翠微翠微碧影搖以沼兼葭蒼蒼煙閣小溯游
 宛在六中伊人
 秋天渺我昔從茲選密

林爲、南、有、事、斥賞奇文疑義析曠懷聊
寓倚樓吟倚樓看、憇雲岑流水高山瀉玉琴
此中何所有桃源成五柳石上碁一盤花間酒
數斗匣劍已無仇漫作雙龍吼苟得非所欽時
鷲亦敝帚用則帝王師不用窮谷叟君不見閩
海高良黃石空山陰者碩劉念臺司農今是倪
鴻瑤鄙上先生與鶴儕東林三嘯虎溪洄四明
狂客歸去來爲蒞爲茅且莫猜樗大天年以不

材秋濤風雨清商發殷其岩夢作輕雷

甲申三月

六謝公車半老農誰期曠劫此生逢王陵有恨
悲雄劍徐庶無虧引卧龍忠孝隨人緣不忍春
秋知我抑何從自遭大亂當三月僅得全家隱
一峰祇欲豈庭其必壽爭教柳下不由恭小人
有母還康彊君子、朋入禍凶北極星衣原衆
共東山臯、竟、以、色、花、帶、雨、涕、寒、食、燕、子、旬

泥補舊封地斬

崖整

一禪始聽法筵鍾

孝廉漢詔元光日
李唐音天寶夕
已往浮雲
看富貴只畱古瀑盪心胸
他年世外支離叟
舒嘯飛泉倚怪筇

七歌擬少陵同谷之作

瀑隱瀑隱媿詩史
賁皇苗裔晉東里
旅食京華二十春
推撞息機變山水
天翻地覆此何年
一朝顛躓風塵裏
嗚呼一歌兮系楚材
行教華首

壯心灰

蒲團蒲團紫煙影
皈依大士親禪聚
毒龍狂象逃榛梗
晨鐘欲覺須深省
岑樓十笏倚孤藤
廚鏑折脚山空冷
嗚呼二歌兮歌始宥
鎗披忍辱如玄裝

有母有母在北堂
八十將登壽且康
歟遭大亂驚衰老
蒼茫寄食煙莊前
脫猛虎後為狼
莫余毒也竟忘祥
為三歌兮當三月
有懷不寐

存明發

有琴有琴水之湄
琴瑟湘靈隱舜女
南薰解慍音何往
落得柴桑歸去辭
伯牙海上煙波渺
流水高山即子期
嗚呼四歌兮歌欲就
泉飛瀑布鳴嵐岫

四郊多壘何偪側
大樹瀟瀟砥柱泐
極目陰霾晝不開
東西缺莽無南北
我生之後胡罹此
啜泣吞聲長太息
嗚呼五歌兮歌欲颺
為奴披髮

正佯狂

有美人兮駕蒼虬
攀鼎含悲那更求
雲龍九子皆神種
我欲從之到十洲
載鬼一車尚未雨
坐使歲月空悠悠
嗚呼六歌兮歌在茲
荒山足爾竟何之

為問古來賢聖誰
安飽周公以下多
枯槁麒麟躡蹬鳳
凰啼茹芝行美商
山皓蓬萊清淺海
塵飛脫身委之尋幽
討嗚呼七歌兮歌當
哭澗道

永矢且勿忘

遭亂全生古今同嘆有懷盛唐
杜李王鄭四公感而賦之

杜工部甫

開元天寶照心燈只有吾師杜少陵
賦奏三篇尊大禮詩成千首美通稱
生還魏闕瞻龍袞流落江湖隱釣罾
十二巫峰真送老南溟秋水息鯤鵬

李翰林白

謫僊一見賀知章名滿長安動上皇
絕調終垂高力士全生蚤認郭汾陽
金陵江月披宮錦玉壘風濤轉夜郎
自古文章憎命達可哀寧只爲
佯狂

王右丞維

高人誰似王摩詰萬戶傷心落泪筵
凝碧池頭懷往日藍田丘壑見生涯
鹿柴柳浪籠文杏絳

案繩牀叩法華為問輞川詩画蹟前身應屬梵
王家

鄭司戶虔

滎陽品逸特奇哉道出羲皇屈宋才圭臬分星
游薈叢江山入画寫詩裁九重睿藻題三絕萬
丈文光著八哀莫道青蠅能點玉仙居島嶼是
天台

乙酉元日夢牡丹四本盛開尋有花丁教

余種蓮

瀑閣春迴動碧波三朝清夢醒婆娑巫山雲雨
空凝露楚澤衣裳欲製荷富貴名多今已矣法
華心轉竟云何污泥不染香應遠君子溪亭在
石蘿

瀑林元夜二首

瀑林元夜月明鏡轉清光樹老橫虬影樓高拂
劍霜山河同此照桑梓竟何鄉輒憶傳柑勝中

宵淚滿行

爲問今何夕南隣復見招此生都再世閱歲又
元宵白日迷煙穗青宵辨斗杓雪菴真有慟不
是狎漁樵

撫琴十二韻

孤桐嶧陽產發此金石聲不知何代斲獲之自
玉京歲珍二十載歛爾出求嚶頽碧如秋嶂堅
斷似春冰膠漆惟存骨霹靂未能驚一彈奮逸

響再鼓揮雄鳴譜曲尋風雅調絃避俗儻太音
畱澹古桑濮寧足賡匣裏芙蓉雪聽君和且平
漪蘭馨澗谷援以放歌行伯牙子春邈緬焉起
深情與君歸瀑布蘿月入鐘清

瀑林春興

瀑水桃花兩岼邊年年石磴瀉紅泉煙簑遠送
無腔篋雲衲初分半字禪絕境山川遺漢魏逸
民身志中清權蒲團筇杖歸三迳一曲瑤琴漸

自然

乙酉春暮興懷八首

今年春暮尚枝栖去歲春愁不忍題三月鶉花
啼望帝九霄星斗落宸奎蘆溝煙雨前生過碣
石滄桑再世迷欲向本來尋舍利浮圖七級梵
天西

又當三月中旬正是蒼梧上陟辰何物房妖
門策馬忽諸天市夜飛燐清笳雲湧來山海寶

曆星分改甲申南史傳聞應載筆春秋誅隱定
誰真

春明門外水中洲画閣虹梁自昔遊南海風臺
紅翠窟西山臥佛碧雲頭建文老葬藏金粟恭
靖雄碑隱玉虬三百年來如夢幻伽藍一玦此
歸休

萬馬飛空天壽山長陵風雨五雲間東環滄海
蛟螭窟西控行恒虎豹關每望春星迴斗柄還

從鳳沼近龍顏壯哉涿鹿雄圖地早逐蚩尤不
敢彎

奎壁騰輝帝座東觀星臺下太清宮璇璣斑駁
銅龍鎖楊柳飄飄碧檻風四海文章從此集千
春花鳥總如空惠河半載登臨後回首丘墟輒
抱恫

毘盧高閣大雄尊閭闔琉璃一望存河帶九門
通御柳雲籠五鳳射朝暎風旛插漢瞻華表佛

頂來青照碧痕奇絕雙窠仍報國虬枝垂影尚
盤根

龍蟠虎踞帝王都易水金臺督亢圖日月雙懸
尊北極梯航萬里發東吳陪京奠鼎知天意孤
注當闕恃廟謨媿殺春闈寧軋茁堪憐滿眼竟
烏狐

宮人紅袖淚闌干雨打梨花入夜寒駿骨金臺
燕市久雲帆遼海島天寬樓桑大樹車曾蓋石

鼓奇文籀已殘集杜五言畱百絕愍忠遺跡問
蒲團

禪巖雨中題壁同大廷尉

半生慚覓孝廉船續食京華二十年我未前聞
賊比餉人今忽見海成田少陵野老心蘇未五
柳先生影黯然天下之平廷尉隱賁皇用晉楚
材遷雞鳴向晦驚風雨昆劫歸灰問佛僊怪石
雄濤環絕境飛雲湧霧鎖危巔桃源瀑布應畱

後雪嶺香山即在前金粟如來乘取上鐵冠道
士識曾先支離身世終何底千尺名巖擬學禪

藏書五十韻

逸民疇第一孤竹饑首陽朝鮮未封日披髮自
徉狂八十老漁父熊飛渭水倚赤舄當此際禮
樂典文章是皆大聖人適丁周與商商初有莘
氏烹割起空桑周季柳下惠介骨和其光春秋
懼而作麀獲繼詩亡鄒魯傳心後是非遂以悞

漢書 卷之二 十
屈騷吟楚澤蘭膽挫秦皇椎褫祖龍魄又見韓
張良楚漢氣象偉雄哉逐鹿場拔山力蓋世大
風雲飛揚信布何蕓醢毋乃弓莫歲孝文克以
柔孝武為之剴同時兩司馬一腐一求凰河梁
別蘇武青艸見玉嬙飛燕來新室銅馬接天潢
客星移釣瀨竺典入中邦甘陵南北部黨錮悲
范滂伯喈曠世才髡鉗徙朔方鼎足三分業昭
烈統宜綱橫梨自足霸但莫比文王諸葛緣徐

庶五丈落星芒涸勒爭牛晉何獨罪老莊竹林
實避禰彭澤迥孤芳六朝隣拓跋掛角扼隋楊
貞觀龍鳳表寧仇魏與房才人則天后女主應
圖昌賭裘尊國老浴日迓朝堂漁陽樞鼓動長
源補綻唐詩聖窮夔峽謫仙流夜郎郭李宗功
罕藩鎮遂披猖五季相淪陷馮道遞翱翔自云
長樂老此老竟無雙雄州原霧列今乎石敬瑭
弱宋終緣此澶澗已大創三黨多君子朔洛蜀

蘇黃半山中執拗因之禍靖康金牌十二下桑
梓剪龍荒迭出秦韓賈秀夫沒海航綱常三百
祀獨任文天祥乾坤元混一南詔盡封疆西湖
指雲氣日月湧三江重暉十五國洪湔四百霜
遜國多奇節龍髯腹過昂土木天猶順嘉隆曆
未央忽諸今不祀娥淚洒熊湘英君殉社稷滅
穀盡亡羊猶然翻要典汝乃是不養

遣悶

一樓風雨自蕭然。龐隱相將憶昔年。楚瑟吳騷
燕月夜。香山法海碧雲天。須髯欲老含虬態。煩
惱應除竟雪顛。心醉何勞千日酒。半成羅漢半
頑仙。

秋林夜雨四首

秋雨山房夜。瀟瀟滴到明。胡樵隨意落。禾黍見
芽生。鳳竹千竿尾。雲濤八月聲。欵欵彭澤傳。終
曉未忘情。

靜憇岑樓小洲村。肅夜過螢飛。明古用瀑吼奏。
清波聽雨涼心火。吟詩却睡魔。雞鳴晦不改堅。
臥入雲蘿。

風雨知音絕。絲桐自取孫。秋分更漏永。夜靜水
聲高。撫調哀三疊。行年歎二毛。獨申且不寐。寧
忍畔離騷。

青燈照萬卷。夜雨會三餘。火宅終烏有。紅塵竟
子虛。卿自用卿法。吾亦愛吾廬。林密山深處。心

空迥。宴如。

中秋二首

中秋瀑閣晚林蒼。暗日迷禽透月光。滿院胡樵
橫翠幕。一簾湘玉挂明妝。長安萬戶砧聲斷。天
柱孤峰桂影長。為愛冰壺能濯魄。不知羿羽射
扶桑。

瀑吼東山若海門。金波湧出滿溪邨。吾廬百尺
濤聲瀉。古月千秋皓魄存。雁過白登啼碧落。露

流青塚照黃昏。幽懷寫向飛天鏡。一曲清商指
下論。

苦雨篇

八月只淫霖。悲秋起長歎。石艾禾一廛。先此曾
憂。早早潦處。其偏塲圃。愁麩爛。大盜走汾東。我
室無遺爨。煙痕老布袍。素位行患難。濯髮思消
盤。長夜何時旦。天問二百端。未見此塗炭。母壽
八十齡。寄食洮江畔。只尺竟難遷。屈指年之半。

西疇行有獲。行將聚其散。莫使困橫身。涕泗洲
林岍。

十七夜雨霽月明如晝

既望更初靜。琴牀月影斜。解衣心欲睡。着屐興
還奢。雨霽披香霧。煙籠透玉華。小童機未逗。隨
意煮清茶。

昨夜層雲掩。今宵一補之。玉盤仍皓皓。銀闕正
遲遲。遊寺蘇髯侶。明樓老杜詩。相看真不最。况

復是秋期

庭中紅菊二叢甫交寒露應候而開

紅菊知時節寒籬逐逐開丹心甘隱逸頰色自

徘徊飲露鮮如醉經霜晚不頽淵明極善酒愛

爾賦歸來

移家而作

險哉六百日。今家水一方。為農依瀑戶。丹壁抱

其陽。林木頗翁鬱山深。副可歲時同樵叟坐脫

粟啖其糠復咬菜根味媿匪文繡腸獨有一可

悅老母壽而康。萱齡補椿歲如阜復如岡

秋林書閣三絕

秋林書閣瀑峰寒靜裏蒲團世界寬。玄宰標題

懸一幅仙風道骨此中看

草閣秋聲漸冷然風來陣陣響琴絃。非窗高卧

無人到欹枕看書引晝眠

閣外霜林叩曉鐘。簷飛紅葉寫幽蹤。竹龍吸盡

端溪水硯上巫山十二峰

讀史表逸二首

中宵聽說喜如狂三十年來杜五郎只在籬邊
雙板屋偶曾桑下一乘涼半簾擇日收錢足滿
袖閒雲賣藥忙為問讀書何所記淨名經句也

都忘

杜生

雲卿高卧世相違露滴蒼髯隱翠微園灌東湖
鋤帶月案留西漢壁歲輝履霜萬里來秦檜貫

粟啖其糠復咬菜根味媿匪文繡腸獨有一可
悅老母壽而康萱齡補椿歲如阜復如岡

秋林書閣三絕

秋林書閣瀑峰寒靜裏蒲團世界寬玄宰標題
懸一幅仙風道骨此中看

草閣秋聲漸冷然風來陣陣響琴絃北窗高卧
無人到欹枕看書引晝眠

閣外霜林叩曉鐘簷飛紅葉寫幽蹤竹龍吸盡

端溪水硯上巫山十二峰

讀史表逸二首

中宵聽說喜如狂三十年來杜五郎只在籬邊
雙板屋偶曾桑下一乘涼半簾擇日收錢足滿
袖閒雲賣藥忙為問讀書何所記淨名經句也

都忘

杜生

雲卿高卧世相違露滴蒼髯隱翠微園灌東湖
鋤帶月案留西漢壁歲輝履霜萬里來秦檜貫

日孤峰見岳飛時宰茫然迷物色山榭水澁竟

何歸

蘇翁

讀虎谷集三十韻

浩歌水之濱以漸避其次獨留幾部書蠹饑咬
欲碎偶讀虎谷集雲臯聞鶴唳宏音久不作還
是推先輩古詩核而奇着想落天際近體學杜
陵不肯輕放字戛戛洗陳新跌宕取形勢文章
追典冊知公秉夙慧况復筆如椽毫揮斗大隸

山中簡統鈞垂史端名世祭酒鐸闕西堂滿瑚
璉器康呂兩大元遊公門及第先是出弘農抗
疏無避忌都餞毘盧閣羣公賦清製龍門砥柱
石石伯甘棠憇定此二大題惟公斯不媿三鳳
起河東一鶚號於內丹穴相和鳴公與白巖對
聞昔有異人善相山川氣臯落前後峰靈泚鍾
爲滙兩誕名太宰奔走天下技我里喬莊簡部
上趙忠毅公翮翔九苞鼎峙真文瑞嗚呼至於

今高才日凌替化茅而不芳誰更稱蘭蕙家富
國愈貧心賤貌乃貴帝怒罰極之竟以君社戲
紙上聆清風莫勝長大喟草閣一燈寒研硃點
其最居近仰高山庶幾豁蒙蔽

弱冠入都獲古琴一張斷若春冰色如秋
嶂余時未解音律而心知其爲美材也近
頗究心七絃與庭蘭之侶較試諸桐顛多
痺救獨此蒼然清越蓋晚成之希聲也

雷琴歲老若圭峰風雨虬枝雪夜鐘歸去來兮
彈一段高山瀑布水鳴龍

讀淵明桃花源記便不作今人想都門獲
一卷子裝標精雅黃雲臥筆也每閱一過
則洞中人物儼然未散蓋米仲詔家藏屬
玄宰標題而逸者

錦玉標籤出帝都
樵源漁父避秦圖
紅泉碧嶂拋舟入笑語
迎人紙上呼

端溪石三種以深紫而潤為第一
鵝眼三等以黑白晶瑩為第一
貢硯購自吳人極硯之美
眼至四十有九皆活眼也
復有墨端眼十二款曰巫山十二峰為之副

端溪墨海紫迴瀾玉德金聲馬琢肝四十九星
鵝眼活臨池親洗瀑光寒

都市購古銅御鑪圓不盈尺平底而深硃
砂翡翠隱隱週邊款透歲寒三友數日獲

龜紋裊蓋既古且工扣之不爽毫髮無心
昭合奇若延平之劍

何年斑駁老銅盆窠竹梅花鑿嵌痕怪得天然
煙裊蓋歲寒三友共清溫

琴鑪卷硯為余四友廷尉謂四寶詩成信
口信口者了然於口與手之間也予瞻而
下難言之余何敢余何敢再出一律聊當

解嘲

碧蘚盆鑪端石硯桃源手卷斷冰琴三更賞鑿
還開匣四寶平章不畏金莫怪眼前常信口尚
須耳順到從心夜來細與朝雲說空谷難禁有
足音

探籌分韻共賦詩籤得九青

一函流韻括葩經分得牙籤第九青却媿聯逢
詩社長那能高出酒旗亭探籌骨色都成調伐
木嚶鳴遞可聽語不驚人休不肯囊收錦字滿

煙汀

大難而後遜跡深山不交州府之客人事
都絕久矣廷尉戒余不合時宜憂心悄悄
不知為誰一時懺之以誌余過

蜀公前輩喜東坡鼓掌掀顛特稍過羣小忌才
猶如色英雄代哭且當歌如簧婦口何妨走若
砥龍門定不波寄語休容滄海客鳴臯野鶴恐
無多

詩籤分韻賦瀑樓新月得一東

歲寒初放廣寒宮瀑照新鈎小閣東光舞潛蛟
應脫鈎影驚高鳥欲歲弓終年銀漢何曾改故
土關山竟不同太史星占今夜聚分裁玉屑補
詩筒

贈別

西極詩文迥漢唐鳴琴控鶴起華陽顧廚黨裂
孤臣活貫索星虛善類長鳳峙鴟鴞行患難麟

遊豺虎定禎祥興歸大老知何日一線清風渭
水倚

余不善飲太守酌以巨觥遂爾大醉賦此
走謝

酒趣難於醒者傳那消一爵已醺然不知醉裏
曾爲客始信壺中別有天騎馬乘船寧賀監揮
毫草聖媿張顛南山樂只歸來夜佐史應書獺
弁偏

贈拱垣執友戲爲長句

記我與君同筆硯總角卯兮突而弁我臨二十
上公車君作子衿多異撰憶昔吾廬失太平賊
來我里人皆驚逆闖營盤三十里將軍大礮東
南城羣小遠遁不敢點書生焚炬星光閃電歛
雷轟賊影飛至今猶詫張生險從此英雄跡愈
奇大官名老盡爭知六壬太乙參同契遂於誣
詠不相宜防身遠害全孀母月炤西郊搏猛虎

南山白額長橋蛟不得專美吳周處無何沉陸
變神州竟戴南冠繫且幽義鶻老拳蛇毒酒復
倚芳蘭隱玉樓江州司馬恨悠悠一曲琵琶在
上頭我學顓蘇友琴操也家瀑布水東流君不
見姚平仲入青城館娃宮走西子美人名將絕
可憐神龍見首而不見尾

丙戌立春

在野三年又遇春短衣孤劍老風塵李陵蘇武

詩無敵蔡琰玉嬙曲有神芳艸知心還可信浮
雲滿眼竟誰親山中樵叟於東指斗柄初回是
建寅

立春後除日雪

白雪陽春不易降一年將盡洒春砧龍顓吐玉
案唵閣鳳尾拋珠竹打牕篔簹孤舟原自一灞
陵小蹇那能雙折梅寄得南枝信剪碎吳天水
半江

除夕

朔風吹雪斗東含不惑年華又度三枕石山中
無曆志然燈案上只瞿曇淵歲月除將改夜
氣金銀久莫貪賈島祭詩聊可學新聲再咏瀑
花潭

元日雪

玉洒龍鱗萬甲翩放勳莫羨又三年乾坤此日
猶懷素草木方春也欲湔滿口梅花和肺沁凝

神冰雪與肌妍西看姑射汾陽岫朗誦南華第
一篇

元日天寧寺閣

元日興懷萬象新大雄高閣禮慈仁曾聞表抗
君迎骨今見兵過佛捨身三百年來誰甲子攝
提月孟自庚寅浮圖插漢千峰雪共醉屠蘇不
老春

新正二日雪霽陪太守西園飲

五出冰花剪旦元新晴雅集到西園玉屏永結
高峰塏瓊樹虬飛怪石軒琴鶴雙清瞻刺史莓
苔初暖醉平原幕天席地呼盧後弓挂扶桑亦
大言

雪壓茅茨玉作簷瓊瑤錯落倒飛尖新正定卜
豐年瑞造物應歸太守廉一片冰心郊外賞三
分春色酒中拈飄然欲惹茶煙溼柳絮因風挂
紫髯

瀑閣偶成

頻年挽脛拄長鑿判歲移家到瀑巖繡佛燈光
三世案樗仙雪意一孤帆灑谿玉印從前號稷
廟金銘此後緘感發已歸春又至梁魚游泳燕
呢喃

新月

新正新月瀑林梢雪浪金波影半交鏡破青天
仍欲照輪飛碧海未全拋七重暈氣纏如食千

頃陂光濁不消爝火無端寧莫息牽牛洗耳附
由巢

人日

大隱東方曷倩身曾占七日取靈辰梅花誤落
虛傳額菜甲新炊好入唇自古有年應穀我於
今受賜始為人匣琴流水晴川響州閣春暉老
逸民

白衣菴寫碑時方雪霽與大廷尉赴觀陽

之約

筍輿北踏陽春雪東臯遙望皆奇絕南山一帶
玉圍屏供我西方寫墨碣云何墨碣寫西方普
門身現白毫光建此白衣者誰子根盤仙李曰
觀陽觀陽貪善十五祀今見逃禪火廷尉我迷
鞭影世尊前當年誤作禪林記招提禮拜祈懸
弧四十商瞿五丈夫齡過不惑當知命懺悔多
愆學大蘇嶺海餘生行患難皈依十八阿羅漢

萬斛泉源老愈神尊尊寫照高文賞我臨款識
綴虛龕弩目低眉義可參過去未來應見在幾
番染翰幾和南顏平原吳道子韓昌黎杜子美
天下能事都畢矣然猶未免為才使况復吾儕
今若此萬事隨緣聊爾耳一拳打碎胡孫藤空
中樓閣香風裏

元夕

洲邨良夜瀑峰西一葦燈航月滿溪鍊玉烹煙

憐石火融金飛液打花隄虹橋影外開元夢草
閣光中太乙藜農炙雞豚僧素供碧壺春茗正
堪攜

元夕伯彭招飲

月大星高望斗東火焮燈爛照城空漏催銀箭
聲聲冷酒入蘆笳面面紅煉石有灰消夜雪傳
柑無語度春風狂歌痛飲雖然罷對客揮毫尚
不窮

禮大士篝燈如月以瓶梅佐之

冷艷橫梢月半缸精神捧雪影涵江欲從印度
參藜火故汲軍持淨笛腔一點慈光恒自照千
林殺氣見應降蘭膏定慧歸南海玉骨清暉倚
北窗

一枝妍瘦挂春缸驛使傳來自大江月吐清煙
常似伴詩催白雪不同腔龍脂照夜應難滅鶴
膝翹空未肯降淨聖拈花微笑處暗香浮影透

疎牕

詩懷十二韻

孟陬春鳥鳴丁丁聽澣木好風與之來奇詩把
一束展卷見栢梁如玉方在璞蘇李及文姬哽
咽何能讀老驥攄聲雄乃建黃初燾兩晉沿六
朝桃源足空谷風氣到開元光華洩祕籙都哉
十二家星文以列宿太白其如月少陵則若旭
雙懸照今古萬象皆森屬登山復觀海泉源日

湧斛花潭一艸亭乾坤只在瀑

瀑林春興二十首

春來幽事頗相關門外清溪溪外山山上煙霞
溪上柳都從瀑布聽潺湲
一汀新綠鎖村流老樹蒼煙隱瀑樓日夕湘雲
剛欲捲羊牛引筵下山頭
家家于耜試新疇村北村南岍入洲我也牽蘿
補石屋晚風吹幕月爲鈞

盈盈一水不容舳柳岍花隄動桔槔三尺孤桐
春欲吼攜來瀑畔試吟猱

凌晨清聽一聲鐘春梵幽花帶雨濃南海西天
方寸起空山流水宕雲封

春畦亂水瀉桃花茆舍疎籬共一家帶月荷鋤
人對語只言今歲長桑麻

繽紛英落接煙嵐磐石當中碧且藍月大花酣
來枕漱雷聲噴雨作龍潭

垂楊飄醒峭寒初取次春風病欲蘇筇玉一枝
聊可杖仰觀鴻雁下觀魚
樓東雙秀入雲槐掩映春光引翠來分付兒童
輕掃石階前仔細碧莎苔
鬱鬱青青岼岼檉綿蠻黃鳥兩三聲杏花旗下
當壚問小第初堪酒一觥

煙痕褪褪十三年墨點朱斑未忍湔坐臥花裯
休怪我只因縫在永嘉前

太乙東皇我問之文章煙景自無私華清殘月
漁陽夢笑冷瑯玕玉萬枝

漉池流北灌村畬藥竈茶煙小島居偶出尋僧
開竹戶飛花點斷案前書

尋芳日日水之湄一笑先含紅杏枝錢掛高榆
難作孔眼開新柳欲舒眉

暗水春花帶草堂惕龍隱隱見波光闌干北斗
看星海昨夜分明照屋梁

桃源籬犬自狺狺風雨雞鳴社飯辰宰肉平分
歸去晚東山古月照陳人
王孫芳艸日萋萋河畔煙蓑雨一犁野老那知
飛將恨不言桃李自成蹊
紋楸蒼峙瀑西偏紫玉千尋翠碧煙歷盡風霜
含錦繡高華承露到春天

雙樹連枝便作門門開池月閃波痕碧搖萬片
蛟鱗縐紅染千條柳肘根

十畝閒閒抱澗蘂花流石磴水含沙栩栩然蝴蝶
飛春夢獨寐寤言嘯也歌

春月四律

春月挂樓西天河帶影低玉鈎搖瀑嶂金鏡閃
花溪太白明於斗清輝靜可梯崑崙星宿海對
炤試新題

洲村花月夜高柳見棲鴉樂地千春錦憂天兩
鬢華丁丁揮玉屑悄悄叩星槎砍却團中桂清

光更一家

大壯平分候清癯半老身韶華都倏忽波月正
妍新三萬六千日東西南北人瑤臺今獨步桂
影自相親

蓬鬢三千丈冰輪十二週光分青玉案魄壯碧
濤樓梵唄聞常樂弦歌引莫愁天邊弓欲滿可
挂倚滄洲

金谿曾毅庶為余津航萬卷致自大江之
南二十餘年書林知己亂後遠至顧余瀑
房喜而感賦攜步成詩

半世知心翰海間春風還對一開顏蘭皋鎖霧
藏玄豹瀑水流花惹白鷗杜甫文章交有道廬
陵節義運相關見君即問江南話此日誰為謝
疊山

二月九日

仲春初九笑前身率土公車是此辰日月光天

十五國鷗鵬搏海六千人龍頭欲老終當壯玉
刑頻遭愈益真自失東南牛斗氣太阿鳴匣顧
沉淪

憶昔開元大盛時周官文物漢威儀風雲一洗
陳隋氣龍袞雙知李杜詩羯鼓魂驚馬嵬驛花
門霧暗曲江池空餘野老吞聲泪雁墀天高叫
子規

清明二首

杜宇聲初桐始華前溪遙見酒帘義一枝紅杏
驚春半千載芳魂弔楚些淄淄風雲寒劍履戎
戎煙雨淡龍蛇綿田萬頃終何用姤女無勞認
作家

萬疊青岡感廢興清明此日拜高曾麒麟尚刻
先朝字駟馬何關後世稱柳絮飛煙迷故壟桃
花流水宕新坪遙知南北江山上苦雨凄風十
四陵

花雨點文選

九十春光二月餘
涵煙微雨靜洲居
桃花灼灼應憐爾
山鳥申申似詈余
快向滄浪尋樂只
漫從風暴惹狂且
一瓢瀑布詩三百
不是窮愁不著書

春夢

一場春夢喚東坡
歷劫文高定不磨
濯錦常懷明月句
飛雲還聽大風歌
山中樓閣花中雨
橋

上垂楊石上波
罷釣歸來舟不繫
非熊隱約老漁叢

上巳二首

蘭亭高會咏羲之
四十三賢共昔時
南渡東偏修禊事
北陵西望動笳悲
觴流水曲風多雅
龍躍天門字絕奇
豈是今人輕落管
漫云觥罰未能詩

暮春之月祓山房
瀑布飛濤動吉光
九十風華

方未艾三千愁鬢莫須長
桃源面面封秦路柳
色依依隱晉航一酌東流
除宿垢笑歌纓足濯
滄浪

里歎

過里增新泪憑高望舊墟
南天呼帝座東郭指
吾廬地窈千家斷雲根
一線餘靈光搖魯殿縱
目獨躊躇

雨

盼得春深好連陰竟似秋
半天沉桀和幾日出
堯牛鷗鳥真堪狎城闈
懼莫投桃花三百樹帶
雨亦相酬

春溪花月夜

半弦初上瀑驚虹綠戰紅
酣碧照東花影疑人
香暗處犬聲如豹月明中
百年萬變何須道一
刺千金信不同記取風流
秉燭語深山春夜鼓
絲桐

望前

雨後桃夭月望前
冰輪高挂綠楊煙
艱難且莫驚蓬鬢
空濶方將問海天
林外水聲幽發響
山中花霧靜歲妍
一年好景三春夜
閣影波心正未眠

初夏

陶陶孟夏寫羣芳
遶屋扶疎杪和長
衆鳥羣池聊有托
余情願領亦何傷
小山巖畔熊羆嘯
宿

莽洲中薜荔牆
汎覽流觀終宇宙
自憐千載媿柴桑

初度

皇覽余初度朱明
尚病辰碧桃華湛
露黃鳥語芳春灌
木千間厦幽蘭一
線純水流心不腐
山靜力當仁綺皓
寧違漢漁郎合避
秦方剗經大難歷
劫益奇貧藥鍊青
精飯煙烹紫氣津
芙蓉裁作被蕙蒞
佩於紳桂擢浮沉
處荷房隱約身

蒲團焉可放筇竹也相親石壁分三面金波湧
半輪山川堪比玉麋鹿莫貪銀不惑更前過知
非向後新狂歌十九首舒嘯八千椿圖出飛龍
馬時來見鳳麟光華當養晦日月老頑民
初度日大廷尉以詩見投戲答來韻

高柳黃鸝報曉籌澗谿沼沚薦中自欲堅范蠡
歸湖志故學朝雲佞佛修剝啄凌晨何太蚤推
敲亭午益相投畫眉老手私窺處天下之平向

此求

附原韻

敲門蚤起看添籌香霧庭中見二自端肅深
深方禮拜誦持隱隱正焚修階前萱草應逾
茂掌上珠光會見投此外媿無饒舌處類同
聲氣為君求

鶯

萬綠森陰一點黃嚶鳴求友韻清揚眉橫翠黛

畱宮樣羽襯金衣學道裝。浪說君侯能止妬。經傳山海亦攸荒。綿蠻睨睨真風雅。尚接簫韶引鳳凰。

燕

半軒清晝瀑之嶮。燕于飛傍耳呼。乍頷乍頰。還乍舞宜風宜雨復宜塗。點波較比蜻蜓捷。巢屋焉知玉謝殊。乙鳥開天從古記高祺。曾護知司徒。

四月廿日太守過瀑以脫粟邀之

蠶妾窳桑在曉隄。干旄雅隊過村溪。山廚脫粟難兼味。水閣栽詩得好題。玉藻千條池斷續。金衣百疋樹高低。艸堂昔枉嚴公駕。瀑裏呀然媿灑西。

病餘小酌

小酌微醺望水山。聊當大藥駐朱顏。干莖直髮憑伊斷。十畝柔桑却自閒。磊落澗中同石怪。支

離岩畔與雲頑眼無俗物堪消病只有詩魔未
可刪

夏日山居八首

碧動柴門影紅披柳肘根淪漣盤燕舞萍蓼戲
魚噴一水環三面前溪遠後村生涯應分定只
此是乾坤

肺氣夏天舉心旌樂水舒尊生燒藥餌護靈神
樵漁半月渾如醉聯宵不讀書斯文真我病木

大謂之樗

蒼翠連雲幕青空映碧窗弈音消晝漏熊過知
漁艘讀子尊莊叟吟詩醉錦江三年觀瀑布飽
聽水淙淙

倚樓看古梵微雨洗高楸麥浪家家圃泉聲處
處流小山青兕叫長瀨白鷗浮竹遶闌干遍匡
牀自卧遊

老杜吟萬首詩奇詎浪誇調羹嘗細葉執醬點

新芽野莧胡為長嘉蔬遂見遮傷時君子痛比
賦復興嗟

臨門渾怪柳俯仰動蕭森鳥鵲盤巢頂雲霞落
水心十年頻大盜五里未相侵歷劫身何補空
餘古斷琴

有懶堪興孝瞻烏孰止忠亭亭萱艸北漠漠日
華東書史多當富山林自固窮雞鳴晦不
任雨兼風

雌雄槐勢湧奇聳入高愛連理渾青玉雙枝瀉
碧雲長生須服子不伐隱將軍水閣參差
聲画裏聞

五日二首

天中時節石中蒲。羣上榴花頂上朱。世亂真憐
續命縷。山深猶帶避兵符。雞鳴狗盜高門未。澤
畔江臯競渡無。觀妓那能如萬楚。新歌醉舞倩
人扶。

端午興懷在玉京。麤賓嘉會泰階平。香羅細葛
文華國。躡柳穿楊武射營。續食曾分九子粽。宮
衣每羨拾遺名。八年頗飲長安味。已是終身荷
聖情。

葺屋

柔兆闍茂歲干支在丙戌。麤賓五月初。瀑隱理
庭室尚媿。屋漏痕汎掃還補。葺茆茨八九。躡倚
樓之南北兩間。闍琴洞兩間。歲副笈兩間。燒藥

竈兩間。議酒食。艸閣當其中。方牀自止息。有時
步前亭閒玩。南宮筆書在水一方。可望不近。即
野鶴弗乘軒。翔焉而後集。潛蛟應脫釣。淵兮未
許測。寧曰逃其名。頗欲享其實。痛定想甲申。豈
謂有今日。時還讀我書。古人有遺則。尼父韋編
絕動爻。警亢惕伯玉。善卷歲知非。寡過慝山水
况清音。風潭時歷歷。千章夏木陰。俯仰真奇特
乾坤何等時。蒼蒼已厚錫。胡為結束久。神明日

荆棘幽人貞坦坦是乃其旋吉自得貧而樂貪
嗔癡莫賊何法使之然靜密多內力眼月當別
觀胸鏡須曠識誣詠無是非忘懷任信訕譬如
看弈棋局終見得失

雨

五月來年旱滄池向晚來金騰蛇掣電鼓震鬼
鞭雷大雨三更後平疇萬寶催瀑農操狹
日報臺駘

晴

聽說新晴好欣欣雨既零朝煙歲沼樹宿露起
沙汀倚閣看藍圃開亭引翠屏綠陰剗缺處補
出一峰青

木主移祀山房權也愴然而作

白鷺西雛日戾止在周庭今我何遷次山隰弔
榛苓髮膚懷所始愁鬢歛華星天子至庶人繫
疇蔑孝經唐五八兮古昔也勒之屏屏上百源

堂玄宰書大名賁皇我東里於傳信有徵春秋
苗裔遠邊鼎祀家楹昆劫更人代抱器走煙汀
於何取悽愴霜降露先零蓼莪不忍讀壘之恥
罄餅采采有白華因地薦粢盛出山泉水渾入
山泉水清惟士田乃祭在醜爭則兵由來供子
職竭力事躬耕况我影隻立在原鮮鶴鷄於此
祝祖考於此祝高曾尚念爾孫子尚念爾雲仍
一龕藏木主興廢感朝榮大哉王風雅禾黍撫

高櫺

丙戌仲夏采薪之憂偶爾數日看題減囊
既經胠篋無妄有喜約畧見聞作藥咏二
十律昔人謂病知居士安心處貧是詩人
換骨時戲體遣懷聊當自治云爾

半夏清癰對瀑峰天門搖落總如冬苔痕梭繡
花圖蕊水竇泉懸石乳鍾窠下山精歲琥珀波
間澤瀉吐芙蓉病餘引掌還疑虎痛絕攀鬚邢

見龍

獨活楓林近翠微。蜻蛉點水日飛飛。爐烹紫石
煙方瘦。畦長黃精液正肥。晚閣燈心明遠志。曉
披毘布表垣衣。東臯夔冀聊堪茹。寧待西山采
白薇。

火鼠炎炎怒祝融。渴來飲水羨冰蟲。雙輪佛耳
傳天竺。一片琴心落海桐。無奈常山曾豆蔻。可
能石艾且防風。驚聞大戟方狼毒。好結仙茆倚

桂叢

鳧葵左右宕兼葭。葭柳絮浮萍伴釣槎。俯仰山川
憐地骨。婆娑雨露望天花。傷心厚朴難存舊。舉
目紅藍遂競華。防已但珍秋石髓。伏龍擬駕紫
荷車。

詩史深知杜仲長。酒經神麴媿蘇方。醺然欲醉
思龍腦。鷲爾還驚隱麝香。到處王孫無宿葉。隨
時太乙有餘糧。由來世亂使君子。俯首渾如百

艸霜

紫桑甘菊小籬東
遙指商山弈橘紅
他日閒情遺芍藥
近來野興種花松
千年古鏡飛金屑
百尺幽藤遶木通
何首烏方全不用
看余半是白頭翁

蕙苾文犀起畏途
何如九節石菖蒲
難求長髮憐瞿麥
易說輕身笑漏蘆
包匭青茅思管仲
樓船橫海問真珠
紛紛雲擾車前子
若箇能追劉

寄奴

鬼箭羣心歎未曾
釀成世界盡鈎藤
無邊木賊何年掃
有種靈仙詎易登
甕牖吹破故紙蒲
團榻冷密陀僧北
堂萱艸憂堪解
山院東流水澄

補骨勝殘戶可封
京觀那復肉蕞蓉
食雲吸露調蟬退
載玉啣芝養鹿茸
爲愛人參雖自貴
却妨鬼臼亦多凶
冠讐餘毒寧全蝟
泪洒君臣看

蜜蜂

瑪瑙冰漿一盞春
微和血竭隱麒麟
香能辟惡知安息
力可通孿見細辛
天寶荔枝寧益智
公門桃李莫存仁
牽牛欲飲歸何處
岫色空青瀑布濱

延年側栢葉青青
塵困堯階落莢羹
肥遯無名依赭石
善刀有膽晒南星
一溪清水生雲母
干片寒霞鎖茯苓
村小未驚羊躑躅
山幽厭絕馬

兜鈴

千秋百部草雄才
肯屑三稜雜種材
畏虎空投番木鼈
避蛇常帶辟虺雷
自來辣性違官桂
已是酸心作老梅
淡竹蕭蕭呼韻友
石林寒水一船苔

碧含青黛曉嵐光
金色黃連柿葉霜
鴛管書空熊骨老
兔絲滋蔓女蘿長
欲清蒼耳溪邊洗
只剩丹砂腋後方
吟遍澤蘭緣底事
欵欵王子不

雷行

鶴蝨雲臯萬仞搏降真香處一聲寒劍南八陣
還巴戟冀北層城尚射干氣挫普天迷地膽魂
搖驅鬼斷雷丸風霾動是蛇床子到此焉能百
合歡

青箱葉葉竟何之只有丹皮孰秉葵半世飄流
渾海滌三年憔悴賦江離脂饒牛膝莫堅骨髮
斷鱧腸休染髭萬籟清風窸節下與君長往劇

靈芝

黃耆赤水老煙蘿白果紅花落澗波按劍莫食
罌子粟看星合佩鼻陀羅拾來橡栗分猿狙製
出衣裳剪芟荷羗活生還悲典屬淫羊曾伴使
臣歌

白芷幽芳泣鼎湖誰教塗血變青蚨味知蒟醬
還思蜀醉把茱萸莫過吳羽客彫弓蒐膃肭鮫
人鐵網釣珊瑚含生欲問金公訣夜向玻璃未

可無
女苑清標帶紫霞晚涼心火試兒茶電風相馬
終朝海蠻觸爭牛但是蝸蚌老珍斑穿蛤蜊果
圓金朶落枇杷決明還傍山慈穩飽飲星精啖
五加

蛇含鴨跖尚餘妖烏啄飛廉竟未梟塞外移根
春首蒼胸中假墨海蝶蛸涓涓露滴蓮房淨冉
冉雲來菰米漂忽憶菘蕪京國酒天壇沒藥慰

無聊

石斛金釵玳瑁簪柔桑采采碧於藍世間怪事
硝蒙玉物類同房馬奪蠶詩興船如華岳藕賦
成酒是洞庭柑更窮盧會波斯產水落沉香大
海南

入伏池亭納涼二首

大火流金日涼風過野園水環三面樹雲護百
年萱故國渾如夢居鄉媿未原只畱書數卷引

睡到羲軒

消夏無如此山廚
導瀑流呼童勤掃石
避客懶梳頭
檻外聞三嗅
胸中見十洲
不須勾漏令隨寓
卽丹丘

水閣倒景大廷尉
同太守催詩月下聊賦

浮空水閣聚羣巒
巒畫棟雕甍上下看
樹擁波心翻石岬
雲飛蒸底落風湍
山川忽變天藏鏡
日月如驚海遞丸
迤照西銜陰靜直
欲探星斗劍

光寒

瀑布東流接美陂
仙居蜃氣舞淪漪
懷民步影遲
蘇子山簡催題到
習池天下文章風
渙水空中樓閣月
明時能閒是主應
須記獨倚行巖媿
小詩

聖教序

經自唐初譯書從晉後
臨是言皆積玉靡字不
兼金大教無如聖真空
只此心至今麻紙榻舊

斷重碑林

十七帖

不獨蘭亭蹟千秋莫亂真
筋藏鍾太傅骨換衛夫人
草聖期無俗將軍愈入神
流傳十七帖風雅尚如新

新蟬二首

怪柳藏橋雨帶煙初驚宋玉
一聲蟬九拋黃壤塵多劫殼
換青霞骨欲仙時刻炎涼勞
爾報短

長歌咏向余憐士龍五德真
堪賦愛聽清商落古弦

高榆百尺逗秋煙見說螳螂
會捕蟬湛湛露零渾吸玉飄
飄羽化似登仙韻資天縱高
難及清畏人知絕可憐為問
先機誰蚤覺焦桐神物自鳴
弦

螢火二首

熠燿宵行照閣帷冷然腐朽
化神奇風吹不夜

金莖露雨洗常明玉液池一點珠璣光欲燦千
年蚪蚪洞無疑古人秉燭聊相代初漏迢迢睡
正遲

晦明風雨抱書帷竹梘飛飛夜照奇霞斂文星
生暗室月流丹鳥動臨池車囊映讀貧仍樂隋
斛徵求盜愈疑歷盡重陰還合浦時丁遵養未
嫌遲

秋初遣病

碧濤樓外正秋初善自寬心病可除倉頡為書
天始粟橫流微禹我其魚名山有副能藏史在
水之涓得結廬落筆詩成搖五岳百城南面竟
何如

紀夢

夢裏入深山險絕勢如棧峰回麓之西波濤陡
雄澗沿溪轉而南歛睹招提院欣然淨土方耳
目遂一變入庭即瞻禮大哉世尊殿殿上閣三

層殿內厯所見蒸棧皆倒垂中央宛如奔金壁
懸諸天氣象具千萬東曰三大士說法身迥現
西齋謁伽藍光澤頰於面真禪無愠顏大勇有
餘善比丘多貌古機鋒反余羨語之頻伽音須
吏出其卷貝葉襯金縹翡翠光可鑑衆生壽者
相執事都成眷與僧步迴廊八九何來媛秋水
出蓮花和南若有薦阿難摩登伽聊以試其幻
依稀到山門寤寐聞清梵恐怖顛倒中病魔從

此懺

七夕二首

河鼓輕清湛露華盈盈脈脈恨無涯七襄雲漢
支機石萬里崑崙貫月槎曬腹有文憐慧業穿
針爲網悞靈花長生殿上當時語會向瑤臺更
一家

聞道填河鵲駕橋一年一會一無聊悲歡有限
分天漢信誓難窮入海潮藹藹停雲浮太白濛

濛陰雨暗招搖休言人世支離苦牛女從來怨
未消

新秋月下偶閱歲書得李衛公傳

流火初宵月挂簾扶踈孤影見新蟾地分瀑隱
真山水人是元光古孝廉此際青天開碧海偶
看紅拂遇虬顛殘碁一局橫泠冷龍在初爻蟄

正潛

秋雨二首

秋瀑如虹倒飲池蒹葭楊柳動淒其雙村霖雨
歲幽築半夜燒燈讀古詩有迹飄飄何所事無
端恨恨不能辭澄清淆濁方難定千頃汪洋叔
度陂

村居渾不識衣冠靜裏延年自可寬却會聯宵
秋雨注竭能高卧白雲冷萬山深處荆扉掩一
水中央竹閣寒檻外晚來雙入画煙簑牛背老
漁竿

中元日雨餘望月

離離禾黍雨兼風瀑布飛濤吼
蟬竦繡澀生苔三尺劍燹餘
焦尾一孤桐莫蠲佛障儒仍障
能解榮空辱亦空霧溼蘭盆霞
送月會應歛放廣寒宮

新秋月望雨初收激灑金波照
滿樓鵲繞南枝雲挂鏡漉流
北澗水鳴球雙頑穉子追螢
火半老佳人望斗牛卧看天
街無限恨小星三五在

河洲

示內

日月流星四十年風波忽蕩孝
廉船白衣蒼狗聊從俗覆雨
翻雲欲問天百歲春光慈母
竹一枝秋水法華蓮含瑕忍
垢乾坤辱患難依依亦可憐

彈婦去來辭

聞昔陶元亮嘗蓄無弦琴但得
琴中意此語曠

且深毋乃偶之絃頗類澆酒中凡事無固必隨
處任天真後人蠹測海遂謂不解音及彈婦去
來始見古賢心正聲豈俗韻逸響寫高襟入泛
渺無際徽徽幽可尋小雅怨不怒國風樂不淫
歷考絲桐譜柴桑庶足倫何以擬其似清商妙
入神九臯雲鶴啖千丈水龍吟

秋水

石林當八月秋水瀉平橋倒影翻看字搏空正

起鵬但畱莊叟釣莫挂許由瓢此際知音罕絲
桐慰寂寥

中秋月

月明三五夜極盛是中秋正出東山頂平分瀑
布樓幽窗懸玉鏡怪樹影蒼虬何以呼靈兔流
霞一二占

獨步中庭望溪民送野歌塵勞何小小真率友
多多可惜山川勝都將少壯過高樓明月照得

白媿東阿

秋月彈琴

誰斲龍門百尺桐。聲飄瀑布艸樓東。九宵環珮
三秋月。萬里風煙。六代宮。太古以來雲化碧。普
天之下葉飛紅。無邊蕭瑟憑何遣。盡在箕山一
曲中。

九日

花之隱逸。菊奇哉。達節知時。冒雨開。萬卉凋傷

驚穡事一

枝妍冷。傍幽壑。東籬晚翠。西山外。南

雁初寒。北海迴吹帽。霑衣成底事。興來初舉少
陵杯。

南陽谷水自甘鮮。大菊流芳飲欲僊。三四十家
渾幾世。上中下壽。歷何年青城。枸杞聊如此。瀑
布潺湲也。復然記取。花開酒美。候翠微深處。起
茶煙。

冬至月望

幾年冬至朔風剛冬至今宵月正望淚拭明光
臨亞歲灰飛天意動初陽詩書苦被才名誤土
物寧為眷屬忙昨夜普門新錫夢別開胸鏡照
玄黃

歲柔兆閏茂嘉平之月雪中驢子上興會東
遊宿拈園僧舍承天軍抱關宵征邀余凌晨
而入攜壺坐柳林石橋碧澗青蒲煖氣如蒸
水中見三大魚藍鱗金尾紫鱗銀尾金鱗赤

尾皆二三尺許蓋前所未有瞥爾張網遂獲
一焉所謂金鱗赤尾也即坼烹鮮雉以昌歎
飯以雕胡衆頗醅然余亦浩浩落落時臘八
日也何減江南漁樂邪昔少陵觀打魚歌干
戈兵革鬪未已鳳凰麒麟安在哉吾徒胡為
縱此樂暴殄天物聖所哀而柳柳州咏漁翁
夜傍西岩宿曉汲清湘然楚竹煙消日出不
見人款乃一聲山水綠流風遺韻易地皆然

耳明日又尋妬女碑。巖巖沒于土。捫藓磨斑
辯其白。讀高文。法字筆出唐人。非近代所及。
綿泉百道。觀於主瀆。清而駛。苔梭荇帶無異。
春夏秋水磨飛輪。比隣遶屋。椒柿蒟蔚。逐徑
欲迷。波勢就崖噴。為瀑布。下多大石如蹲熊。
吼豹森然。逼人響若風行雷雨。不啻噌吰鐘
鞞已也。太白匡廬吟子瞻石鐘記設也。丁此
不知如何寫照。况當感發栗烈。乃連獲此奇。

勝豈非稀濶之遇也哉。太史公覽天下名山
大川。歸作史記。宗少文卧遊撫琴。動操欲令
衆山皆響。乃封境之內。如是佳山水。非當前
錯過。即多年不來對景。興懷可勝浩歎。爰即
興會所至。而系以詩紀特遊也。且盟後約。雄
濤怪石寔聞此言。

椒園夜憇

策蹇雲林帶夕陽。柵園遙望老君堂。鹿心虬卵

村千樹鶴浴鷺浮水一鄉佛子山空晨禮磬將
軍關隱夜飛觴此行夙有煙霞契夢覺初分月
半牀

臘雪觀魚

葦澤奇遊臘雪初虹梁一帶煖煙噓攜壺有興
欣高鳥舉網無心獲大魚赤尾金鱗真罕特香
蒲白粲况兼餘烹鮮就岍當冬日江漢蓴鱸恐
不如

姤女殘碑

之推古廟萬峰巔姤女幽踪作頌傳大曆高文
天寶後殘碑永壽地靈偏龍蛇起陸山曾烈虎
豹當關水自綿風雨千年神介妹屈原有姊此
開先

綿泉瀑布

突兀清泉湧寨南飛濤鼓浪遶煙嵐家家香磨
波臨竈樹樹霜枝柿敵柑石洞號風疑虎嘯水

簾噴雨作龍潭山靈瀑陰沁今約來往無期欲
結菴

咏史

判歲罕裁詩為讀廿一史研硃點定之一萬三
千紙編年繼獲麟威烈王斯起溫公大眼力道
源特外紀同纂十九年爰至五代止浩瀚苦難
披欠伸莫竟尾當時能終篇獨王益柔爾偉哉
胡天台音注有奇理博處解千言約句斷肯縈

辯誤三十卷精嚴伐其髓從軍江上時罕免在
丙子梅礪蠖居人十年何疊疊宋元疇著焉毘
陵取得體西北兩大事藝祖已失軌我不可不
監今之夏殷耳哀鉞無恕詞是非寧曹倚姦雄
及鄉原每奪朱於紫有幸有不幸誰譽復誰毀
委曲抱天良隱忍多內美所恃千秋識快膽雪
其恥奇雲瀉碧漢塵霾為之洗大海吐明月胸
鏡亦如此史斷至於斯嗚呼觀止矣何以作春

秋敦詩又伊始

九日迴文二首

秋林畫閣月華清滿院虬枝見樹明流瀑遶村
環翠岫落霜連夜澹紅英遊堂臥處唵長句夢
入空來照短檠幽致插瓶銅綠古洲中水菊寫
瑤瓊

東籬浥露土黃華勁質丹心素味嘉紅壁帶霞
籠火浣玉盤凌月點霜葩同花逸秀重陽節隱

士高垂五柳家空碧印濤秋照晚鴻驚篆字走
天斜

執友張回拱垣築洞東臯為熊經烏申之
所戲為口號題壁

拱垣新洞澗之阿突兀凭空嘯也歌桂魄升東
真月窟瀑泉吼北自雲窩赤僊辟穀應曾未黃
石畱書竟若何記取烹爐分火候雞皮三少幾
摩挲

瀑閣寫懷

碧濤樓上數峰青
萬態陰晴改画屏
每夜讀書如服藥
幾年忍事敵灾星
寫碑刻字開山寺
倚樹臨洲結酒亭
漸喜交遊却日減
於今瀑隱果鴻冥

走筆簡延孕玉四首

南陽華胄鳳毛兮
濁世翩翩大雅遺
海上三珠懸圃樹
山中一局爛柯碁
平章風月他年興
閱

歷滄桑古處時驚俗
闔然終底事延津龍
燭未嫌遲

丙夜西窗剪燭紅
輸贏難定一槃中
器如管仲猶嫌小
夢入莊周始覺空
滄海蛟宮涵日月
霍華仙洞老檀桐
知君解得人間世
走筆題詩步雅風

昔日株林有夏南
於今國手但清談
雁行布陳君方列
虎穴藏奇我欲探
護棘塞門隣仲二舉

杯邀月影成三近來擬學逃禪醉攜手相將飲
菊潭

不必雄文作解嘲自憐幽豁舞潛蛟耳餘勢利
開兵釁廉藺英雄定石交局入轆轤渾末劫指
間星斗動初爻欲知勝敗欣然處流水深山好
結茆

丙戌之後罕親硯北間有一詩湯興而已
戊子冬夜夢得好筆三十餘管管二朱鐮

草篆如詩如銘一一成款復有花玉筆架
天巧玲瓏寤而紀異

昨夜奇哉夢管城朱鐮款識取分明玉盤承露
金莖柱藜火騰煙太乙精吞篆媿非韓吏部生
花却羨李長庚也知尚欠詩魔債風雨寧堪落
筆驚

曾獲端溪異所鍾涵煙鎖霧莫從龍荆山一片
玲瓏玉筆架三台古怪峰如電如電還夢幻既

雕甍斲復陶鎔鷺池洗滌真同賞尚待羅文萬
石封

簡友戲句

君才一展便投閒縱是微官未可刪期月止嘗
寧國水孤雲還望敬亭山空囊薄宦胡勞比短
髮齊民却似頑二十五年余續食相逢何處不
開顏

隔斷長溪別一垣山窮雲起水潺湲蒼藤如鎖
迷樵磴明月為燈照草軒有妾今成缺口躡生
兒曾喚小桃源興來過問何須主獨寐寤歌可
勿諉

嘉平朔夜延孕玉招飲坐頭出古玩清賞
漏下四十刻興會忘疲爰紀二律

小閣焚香共歲寒虛檐十笏海天寬晚來身分
因詩大始覺生平被眼瞞陽羨真壺風檜雨端
溪古研玉煙瀾君交七友刪存二刻燭高談興

未闌

寶玩稱七友焉
余以二物為取

城上銅壺忽四更
碁聲輒罷又詩聲
安玄賭墅曾風鶴
咸藉穿林但步兵
瀑裏煙霞終帶面
橘中著數欲藏名
坐談合有田光老
經紀唵壇酒一觥

寫懷二首

飛泉一曲抱山樓
臥起繩牀眺望悠
盤谷非遙應有命
斜川真賞竟無儔
三聲猿唳吹梅笛
兩袖羊裘釣雪舟
清福從來天帝吝
知機此外又何求

晚閣冬寒不肯明
半天星斗滿河檉
瑤池霞隱三珠樹
艮嶽風搖五鳳城
往往逃禪憐慧劍
遲遲應劫度危枰
養生齊物逍遙外
甲子都忘不守庚

解嘲

湯道詩窮然後工
多材赤鳥是周公
高吟總自

關生氣善奕原來養讓風勢屈潛蛟蟠尺蠖胸
開朗月挂孤桐行藏會有他年夢一笠煙蓑老
渭熊

伯彭壽日聞琵琶

淒其天寶後聞樂即傷心痛絕梨園部甘投菊
水得三年寧過密四海尚幽陰棧道淋鈴溼秋
槐落葉深聽宮知不返画角動相侵十八笳中
拍琵琶馬上吟一聲何滿子雙淚到今玉樹

曾臨閣江風半入霧中丞雷朗夜司馬賦沾襟
同歲長庚燦傾壺大斗斟犖麋簾隔影桑濮戶
通音誰識圍碁客胎仙舞鶴琴

題伯彭斗室

西山之麓麓之西延子山房在冶溪千嶂生雲
穿月塢一灣流水護花畦逶迤滌帶花河峪玉
屏龍井萬虬枝路入天台應採藥石當愚谷好
題詩我生太平曾到此日之夕矣雞栖埒指點

煙村謂延子避地舍此抑焉之甲申三月蒼茫
走盡室相將龐隱居澗芳襲卧分藍袖峰翠窺
人作遠睂每混南山玄豹霧頻看北斗玉衡移
世家甲第風霜古春城草木與之齊三徑蓬蒿
幾薙剪一庭竹檜尚支離別院幽深割大厦半
間洒掃暫枝棲君過長安見禾黍此是乾坤何
等時况復踴然堂構好斗室香浮却自宜海棠
睡足東園畔槐陰斜映画樓低酒酣茶醒商歌

罷月照西窗客賭碁華屋茆茨無不可此心安
處即軒義壁間剩有衡山画煙水樵花望欲迷

都人至

都人千里至如見舊長安天闕金波暗河橋玉
影寒血藏應化碧心在不成丹五載江潭畔龍
鍾淚那乾

爾在春明外南城第幾衙朝天宮路斷報國寺
門通蘭若原泡境平康若夢中遙瞻一片月還

照鳳樓東

海岱東門北慈雲夾惠河星臺涼月古燈市煖
煙多旛影千竿繡荷香百頃波傷心悲往事玉
樹後庭歌

繁華天下取江米巷東西繡錯官城錦文昭冊
府奎人多吳楚越寶畫玉珠犀一炬憐焦土嚼
空始破迷

懷京

八年遊藝住神京大隱猶嫌鼻倩名羽客書傳
王次仲仙姝雅奏董雙成金莖旭影搖三殿玉
海泉光帶五城踏遍天街灰劫至騎來一杖是
龍精

霰

臘月廿二立春日

萬壑堅冰萬姓饑今年瑞雪竟全稀蒼天集霰
噴銀粒青帝傳媒導玉妃水閣珠光方瑟瑟山
椒鶴影欲飛飛應知春色回寒谷遍點瓊瑤滿

翠微

雪

渴想和梅隱築巖立春之日雪飛簷故飄書閣
侵茶竈又灑村臯撲酒帘歲動葭灰方透瑄詩
成筆凍幾呵尖藍田玉種耕雲溼寧俟靈氛問
吉占

又咏

雪裏高吟抑若何因風柳絮浴池鴛陽春寡和

人知少華夏豐收帝賜多三友竹孤興北海一
堂繪素近東坡獨憐聳逸奇峰老隱釣滄洲白
鷺簑

立春雪夜過延孕玉伯彭齋頭即事二首

偏側當春未易降騷吟初播郢中腔姑隨小蹇
尋梅轡且罷飛熊釣雪艘五出飛花含遠岫四
更殘月吐明窓挑燈更看桃源画欲把并刀剪
半江

國手前身定橘仙一壺春茗一爐煙尋常鼎足
三分話疑慎星文六甲篇鶴籀奇鐫銅雀瓦螭
涎蒼款建安年與君清賞猶餘興月照樓東尚
未眠

寄題孫徵君

聞道容城出古賢敬修之後接真傳一雙龍劍
千秋眼九萬鵬雲六息年地老天荒應益壽桃
源柳迳自相憐僑居只有先生早安樂富中是

百泉

初度日栢梁體

述老彭信籤鏗遠思彊記費元精喜嗔毀譽莫
相撓七情六慾俱來抨獨處房中豈遂清四十
九妻誰是娛五十四子竟何名氣調文武鍊妃
英西葵之亂中乃弼余也深山以筆耕手談仙
洞爛柯經面生異骨帝所旌體有奇毛俗始驚
蓬萊清淺憶方丈麻姑仙爪寫壺瀛匡廬瀑布

響同聲赤谷東方隱歲星述老彭信錢鏗

懷三藐菴

三藐僧仍在一字信難捐曾記人中景還憐方
外交昔公師燦可今我媿由巢四大禪牀假真
如未可拋

阿師七十幾不復計年華孟杖調龍虎簷臺落
雨花真空歸舍利飛夢見頻伽遠榻涵窗外西
山一片霞

書